

Na osnovu člana 234. Zakona o privrednim društvima FBiH ("Službene novine Federacije BiH", broj 81/15), člana 30. Ugovora o osnivanju društva sa ograničenom odgovornošću Sarajevska regionalna razvojna agencija SERDA (sa pratećim aneksima), člana 39. Statuta SERDA d.o.o. Sarajevo – Prečišćeni tekst i Odluke Skupštine SERDA d.o.o. Sarajevo broj: OS-5/20 od 11.06.2020. godine, Skupština SERDA d.o.o. Sarajevo raspisuje:

**JAVNI KONKURS
ZA IZBOR I IMENOVANJE PREDSEDNIKA I ČLANOVA ODBORA ZA REVIZIJU SERDA D.O.O.
SARAJEVO**

I. Predmet javnog konkursa

Objavljuje se javni konkurs za izbor i imenovanje predsjednika i dva člana Odbora za reviziju Sarajevske regionalne razvojne agencije SERDA d.o.o. Sarajevo.

Odbor za reviziju sačinjavaju tri (3) člana – predstavnika osnivača (Kanton Sarajevo, Grad Istočno Sarajevo, Općina Stari Grad, Općina Centar, Općina Novo Sarajevo, Općina Novi Grad, Općina Ilidža, Općina Hadžići, Općina Trnovo, Općina Vogošća, Općina Ilijaš, Opština Istočni Stari Grad, Opština Istočno Novo Sarajevo, Opština Istočna Ilidža, Opština Pale, Opština Trnovo, Opština Sokolac, Grad Visoko, Općina Breza, Općina Kreševo, Općina Kiseljak i Općina Fojnica, Općina Vareš, Općina Olovo, Grad Goražde, Općina Prača-Pale, Opština Foča, Opština Čajniče, Grad Sarajevo, Općina Foča-Ustikolina, Opština Kalinovik, Opština Višegrad, Opština Rogatica, Opština Novo Goražde i Opština Rudo).

II. Opis pozicije

Odbor za reviziju obavlja poslove utvrđene Zakonom o privrednim društvima FBiH i Statutom Agencije.

III. Mandat

Predsjednika i članove Odbora za reviziju imenuje Skupština Društva na period od 4 (četiri) godine.

Izbor i predlaganje kandidata za predsjednika i članove Odbora za reviziju vrši komisija imenovana od strane Skupštine SERDA na osnovu javnog konkursa. Naknada i druga prava predsjednika i članova Odbora za reviziju uređuju se ugovorom na osnovu odluke Skupštine Društva.

IV. Uvjeti za pozicije:

Kandidati za imenovanje za predsjednika i članove Odbora za reviziju moraju ispunjavati opće i posebne uvjete:

a) Opći uvjeti:

Za predsjednika i članove Odbora za reviziju može biti imenovan kandidat koji ispunjava sljedeće opće uvjete:

1) da je državljanin Bosne i Herecegovine,

- 2) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
- 3) da se na njega ne odnosi član IX 1. Ustava Bosne i Hercegovine,
- 4) da nije osuđivan za krivično djelo i za privredni prestup nespojiv s dužnošću u Odboru za reviziju, pet godina od dana pravosnažne presude isključujući vrijeme zatvorske kazne prije dana objavljivanja upražnjene pozicije i da mu presudom suda nije zabranjeno obavljanje aktivnosti iz nadležnosti Odbora za reviziju,
- 5) da se protiv kandidata ne vodi krivični postupak,
- 6) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti u Bosni i Hercegovini („Službeni glasnik BiH“, br. 13/02, 16/02, 14/03, 12/04, 63/08, 18/12, 87/13 i 41/16), Zakona o sukobu interesa u organima vlasti u Federaciji Bosne i Hercegovine (“Službene novine Federacije BiH”, broj 70/08) i Zakona o sprečavanju sukoba interesa u organima vlasti u Republici Srpskoj (“Službeni glasnik RS”, broj 73/08),
- 7) da ne postoje druge zakonske smetnje za obavljanje funkcije u Odboru za reviziju.

b) Posebni uvjeti

- 1) da ima visoku stručnu spremu,
- 2) da ima najmanje tri godine radnog iskustva na poslovima u struci nakon sticanja VSS,
- 3) da posjeduje pisani akt osnivača SERDA-e kojim kandidatu potvrđuje da isti ima saglasnost da konkuriše za člana Odbora za reviziju SERDA-e ispred navedenog osnivača i da u slučaju izbora predstavlja osnivača u Odboru za reviziju,
- 4) da posjeduje sposobnost za savjesno, odlučno i odgovorno obavljanje povjerene funkcije.

V. Kriteriji izbora

Prilikom izbora uzet će se u obzir sljedeće kriteriji:

- da posjeduju stručna znanja iz oblasti djelatnosti Agencije što će se utvrditi na osnovu priloženih referenci i putem intervjua (pismenog i usmenog),
- rezultati i priznanja ostvareni u dosadašnjem radu – preporuka ranijih poslodavaca, priznanja i dr.,
- znanje i sposobnost razumijevanja poslovnih izvještaja i poznavanje propisa,
- da posjeduju sposobnost za savjesno, odlučno i odgovorno obavljanje povjerene funkcije za koju se kandiduju kao i sposobnost nepristrasnog donošenja odluka,
- komunikacijske i organizatorske sposobnosti.

Potrebni dokumenti:

- prijava na konkurs
- biografija sa adresom i kontakt telefonom,

- uvjerenje o državljanstvu,
- prijava prebivališta/boravišta – CIPS,
- izjava ili izjave ovjerene od nadležnog općinskog organa ili notara za uvjete iz tačke a) Opći uvjeti za podtačke 2,3,4, 6 i 7,
- uvjerenje izdato od nadležnog suda da se protiv kandidata ne vodi krivični postupak niti da je izrečena pravosnažna osuđujuća presuda,
- dokaz o završenoj visokoj stručnoj spremi – diploma,
- potvrda/uvjerenje o radnom iskustvu u struci,
- pisani akt osnivača SERDA-e kojim kandidatu potvrđuje da isti ima saglasnost da konkuriše za člana Odbora za reviziju SERDA-e ispred navedenog osnivača i da u slučaju izbora predstavlja osnivača u Odboru za reviziju,
- referense ili preporuke.

Kandidati su dužni uz prijavu koja sadrži kraću biografiju, adresu i kontakt telefon priložiti originalne dokumente ili ovjerene fotokopije naprijed navedenih dokumenata koji ne mogu biti stariji od 3 mjeseca.

Kandidati koji uđu u uži izbor bit će pozvani na intervju.

Prijave kandidata s kojima se ne stupi u kontakt u roku od 10 dana od dana isteka roka za prijavu neće biti uzete u razmatranje u daljem postupku za izbor.

Javni konkurs za podnošenje prijave ostaje otvoren 15 (petnaest) dana od dana objavljivanja u „Službenom glasniku BiH“, a isti će se objaviti i na web stranici SERDA d.o.o. Sarajevo (www.serda.ba)

Prijavu sa traženom dokumentacijom dostaviti lično ili preporučenom poštom na adresu: Sarajevska regionalna razvojna agencija SERDA d.o.o. Sarajevo, ul. Kolodvorska 6, sa naznakom PRIJAVA NA JAVNI KONKURS ZA IZBOR PREDsjedNIKA I ČLANOVA ODBORA ZA REVIZIJU.

Nepotpune i neblagovremene prijave neće se uzeti u razmatranje.

Na poleđini koverta naznačiti ime i prezime podnosioca prijave.

SERDA nije obavezna vratiti dokumentaciju dostavljenu uz prijavu.